

Urriaren 25ean
URTEAN ZEHARREKO 30. IGANDEA

Agurra

Jainkoaren hitza entzun eta gure sinesmena ospatzeko Jainkoaren izenean bildurik dagoen kristau-batzar honetan, Jauna izan bedi zuekin.

Sarrerako oharpena

Eukaristia beti da elkarrengana maitasunez biltzeko dei bat. Antzeko deia dugu Ebanjeliokoa ere, elkar maitasunean eta elkarren laguntzat bizitzeko deia.

Mundu gizakoiago eta “zentzudunago” bat behar dugu, eta Jainkoaren Hitzak eta Eukaristiako ogiak ematen dizkigu horretarako argia eta indarra.

Damu-otoitza

Senideok: aitor ditzagun gure bekatuak, misterio santuak ospatzeko gai izan gaitezen:

— Jesus Jauna, gure **b**akea zarena: erruki, Jauna.

— Jesus Jauna, guretzat **o**gi egin zinena: Kristo, erruki.

— Jesus Jauna, bizia **e**maten diguzuna: erruki, Jauna.

Erruki dakigula Jainko guztiz ahalsua, eta, gure bekatuak barkaturik, eraman gaitzala betiko bizira.

Otoitza

**Jainko ahalguztidun betierekoa,
sendotu gugan sinesmena, esperantza eta maitasuna;
eta egizu, hitzematzen diguzuna lortu ahal izateko,
maita ditzagula Zuk aginduak.**

**Zure Seme Jesu Kristo gure Jaunaren bitartez,
Zurekin eta Espiritu Santurekin batean
Jainko eta errege bizi baita gizaldi eta gizaldietan.**

Hitzaren liturgiari oharpena

Jainkoaren borondatea, etorkina, alarguna eta umezurtza laguntzea zen Itun Zaharrean ikusiko dugunez. Gaur baditugu behartsu eta ezindu berriak ere. Maitasunez onartzea eta zaintzea dagokigu.

Lehenengo irakurgaia *(Ir [Ex] 22, 21-27)*

Exodo liburutik

Honela mintzo da Jauna: «Ez egin arrotzari, ez zapalketarik, ez nahigaberik, zuek ere Egiptoko lurrean arrotz izanik baitzarete.

Ez egin kalterik, ez alargunari, ez umezurtzari; horrelakorik egiten baduzue, eta haiek Niri dei egin, entzungo dut haien deia; sutuko da nire haserrea, eta ezpataz hilko zaituztet, eta zuen emazteak alargun geldituko dira eta zuen seme-alabak umezurtz.

Nire herriko bati, zure herritar behartsu bati, dirua aurreratzen badiozu, ez izan harekin hartzekodun bihotz-gabea, ez kendu diru saririk. Zure lagun urkoari soingainekoa bahituran hartzen badiozu, itzul iezaiozu eguzkia sartu baino lehen; beste estalkirik ez izanik, zertan gorputza bilduta egingo du lo? Dei egiten badit, entzungo diot, errukiorra naiz eta Ni».

Erantzun-salmoa (*Sal 17, 2-4. 47 eta 51ab*)

E - rru - ki hu - tsa du - gu Jau - na, e - rru - ki - a
 ta mai - ta - su - na.

Maite zaitut, Jauna, nire indar, ‘
 Jauna, nire harkaitz, gaztelu eta sal**bat**zaile.
 Zugana biltzen naiz, harkaitz zaitudan Jainko, ‘
 nire babes, salbamen-indar, nire gor**de**leku.
 Egiten diot dei Jaun goresgar**ri**ari,
 eta salba naiteke etsaieng**an**dik. R/.

Gora Jauna! Bedeinkatua nire **Hark**aitza!
 Jaso bezate gorespenez Jainkoa, nire Salbat**zai**lea;
 Garaipen handiak eman baitizkio bere erre**ge**ari,
 eta maitasuna agertu bere Gantzutu**a**ri. R/.

Bigarren irakurgaia (*1 Ts 1, 5c-10*)

San Paulo Apostoluak Tesalonikarrei egindako

Senideok: Badakizue nola jokatu genuen zuen artean, zuen onerako. Eta zuek gure eta Jaunaren jarraitzaile egin zineten, Espiritu Santuaren pozetan hitza hartuz, hainbesteko estualdien artean. Horrela, eredu izan zineten Mazedoniako eta Akaiako fededun guztientzat. Izan ere, Jaungoikoaren hitza zuen bitartez zabaldu da, eta ez Mazedoniara eta Akaiara bakarrik; bazter guztietara iritsi da Jainkoarenganako zuen sinesmena, guk ezer hitz egin beharrik ez

izateraino. Izan ere, guztien ahotan dabil, nolako sarrera izan genuen zuen artean, eta nola sasijainkoetatik Jaungoikoarengana itzuli zineten, egiazko Jaungoiko biziaren zerbitzari izateko, eta Hark hilen artetik berpiztutako bere Seme Jesus zerutik noiz etorriko den zain egoteko; Berak salbatzen baitzaituzte, geroko haserretik.

Aleluia (Jn 14, 23b)



Ni maite nauenak, beteko du nire hitza —dio Jaunak—;
nire Aitak maiteko du,
eta harengana etorriko gara. R/.

Ebanjelioa (Mt 22, 34-40)

Homiliarako argibideak

Maitasuna ez da maitatua

San Frantziskoren biografo batek kontatzen du pasadizoa: behin batean, Asisko gizona basoan barrena omen zihoan garrasi batean, «maitasuna ez da maitatua» oihukatuz. Nonbait berak garbi ikusten zuen Jainkoak emandakoaren eta gizakion erantzunaren arteko etena. Gizakiok ez diogu sekula egoki erantzungo Jainkoaren maitasunari. Egia da, desegokitasun hori estaltzeko bide asko erabili izan dugula eta erabiltzen dugula, baina maitasunaren aurrean nekez estali daiteke esker txarraren erantzuna.

Maitasun hitza hitzetik hortzera erabiltzen dugu, gaur inoiz baino

gehiago. Eta gizartean egiten den erabilera alde batera utzita, geure kristau-esparruan egiten duguna azertu beharko genuke. Garai bateko jarrera batzuk gainditu ditugu, ustez. Moralkeria hura, legekeria hura! Gaur badakigu kristau-izatea maitasunaren sintonian jokatzeko dela. Jainkoaren irudia bera, gaur garbi daukagu ez dugula arauen galbahetik zehaztu behar, maitasunaren ikuspegitik baino. Eta jarrera hauen kontra ez dago ezer esaterik; barruan zer gordetzen duten eta zer erakusten duten da azertu beharrekoa.

«Maita ezazu» entzuten dugu gaur behin eta berriz. Kontua ez da analisi sakon eta luzeetan sakabanatzea. Maitatzeko onena maitatzen hastea da. Bi erataria gerta daiteke maitasunaren miraria. Bihotza janarizetik sor daiteke maitasuna, barrua garatuz heldutasun gizatiar eta espiritual baten bidetik. Orduan maitasuna barne-bizitza egiten zaizu, bizitzaren iturburu. Eta onginahizko, bihotz handiko, entregazko sentimendua sortzen zaizu barru horretatik. Edo sentimendua izatera iristen ez bada ere, bestearekiko irekitasunera eramaten zaitu, barkatzera...

Maitasunaren mirariak badu bigarren bide bat ere: maitasuna praktikatzeko hastea da, zeure esparrutik ateraz. Besteentzako prest bizitzen hasi, gizarte-ekintzetan parte hartu, pertsonarteko harremanetan arduratsu izan... Hori ere normalean bihotzetik sortzen da. Egia da, batzuetan betebeharrak hutsa dela ematen duela. Betebeharra ematen duenean ere, lagun hurkoaren aurpegi zehatzei begiratzen jakin behar du, pertsona konkretuei begiratzen, orokorkerietan geratu gabe. Sufritzen duten aurpegietatik sortzen den etikaz ari gara. Jarrera hori beti barrukoa eta sakona izaten da.

Azken batean, geuretik ateratzea da kontua, ahaztu behar ez dugun zehaztasuna. Garbi utz dezagun, hala ere, beti ez dela sakrifizioa eta autonegazioa. Iturriaren gorabeheran ari gara: Ni norena naiz? Nire bizitza norena da, neurea ala Bestearena? Hori da kristau-

maitasunaren iturburua. Eta hor urtzen dira gure bereizkeria eta etenak; hor batzen da da maitasuna, Jainkoarekikoa eta lagun hurkoarekikoa. Maitasuna bakarra baita. Eta maitasun bakarraren iturritik edatea da dagokiguna.

Nola berritu maitasunaren iturriak, nola edan maitasunaren iturritik? Zeintzuk dira niretzat zehazki maitasunaren iturriak? Otoitza izan daiteke. Bikote barruko maitasuna izan daiteke. Inguruan eguneroko zeregin txikietan maitasuna era xume eta garbian bizi duen jendea izan daiteke. Inguruan dauzkadan pobreak izan daitezke. Seme-alabak izan daitezke. Kristau-elkartea izan daiteke. Bistakoa da prozesu sakon bat dagoela azpian.

Igande honetako testuak aditzean, gerta daiteke sentrazio desberdinak izatea. Bati akaso betebeharra etorriko zaio gogora. Beste batek akaso, betebeharra gainditu zuela eta, ez du bere maitasun-bizitzarako iturria ikusiko. Beste batek, beharbada, maitasuna ez duela maite sentituko du, hutsune handia alegia. Beste batek esker txarra. Nolanahi ere, denok egin beharko genuke, gaurko hitza Jainkoaren maitasunetik entzuteko ahalegina. Aita batek bezala argitzen dizkigu gure bideak: «Maita ezazu». Betebeharra den maitasunetik bizi-iturri den maitasunera pasa behar dugu, farisearraren parean ez gelditzeko. «Maitasuna ez da maitatua».

Jainkoaren herriaren otoitza

Jaunari egindako otoitzak Berak bihotz onez entzuten dituela jakinik, egun otoitz apaltasunez:

- Jaunak indarra eta argitasuna eman diezaien Jose Ignazio gure gotzainari eta Elizako artzain guztiei.
- Neurrigabeko ezberdintasunak gainditurik, herrietako arduradunak denon ongizatearen alde saia daitezen.

—Sufritzen duten guztiok kristau-elkartearen bidez presente egiten den Jaunaren indarra eta laguntza izan dezaten.

—Hemen bildu garenok eta gure etxeko eta adiskide guztiok, itxaropenez eta elkarri on eginez bizi gaitezten.

Zailtasunean babes zaitugun Jauna, entzun gure otoitzak eta egizu, Zure Espirituaz beterik utz dezagula Zugandik urruntzen gaituen guztia eta itzul gaitezela Zu eta lagun hurkoa egiaz maitatzera. Jesu Kristo gure Jaunaren bitartez.

Jaunartze ondorengo otoitza

**Jauna, gure fedearen sakramentu honek
egin dezala gugan berak adierazten duena,
orain irudiz egiten duguna
gero egiaz eta bete-betean har dezagun.
Jesu Kristo gure Jaunaren bitartez.**